



# basic education

Department:  
Basic Education  
**REPUBLIC OF SOUTH AFRICA**

## NATIONAL SENIOR CERTIFICATE

**IBANGA LE-12**

**ISIZULU ULIMI LOKUQALA LOKWENGEZA (FAL)**

**IPHEPHA LESITHATHU (P3)**

**NOVEMBA 2010**

**AMAMAKI: 100**

**ISIKHATHI: amahora ama-2½**

**Leli phepha linamakhasi ayi-7.**

**IMIYALELO KWABAHLOLWAYO**

1. Leli phepha lehlukaniswe iziqephu EZINTATHU:  
  
ISIQEPHU A: Indaba (50)  
ISIQEPHU B: Imibhalo emide edlulisa imiyalezo (30)  
ISIQEPHU C: Imibhalo emifishane edlulisa imiyalezo (20)
2. Abahlolwayo kulindeleke ukuba baphendule umbuzo OWODWA esiqeshini A, OWODWA esiqeshini B kanye noWODWA esiqeshini C.
3. Bhala usebenzise ulimi ohlolwa ngalo.
4. Abahlolwayo mabaqale umbuzo NGAMUNYE ekhasini ELISHA.
5. Bhala uhlaka ekhasini lephepha lakho lokuphendula imibuzo. (Indaba kuphela edinga uhlaka.)
6. Uyayalwa ukuba usebenzise isikhathi sokubhala ngale ndlela elandelayo:  
  
ISIQEPHU A: Amaminithi angama-80  
ISIQEPHU B: Amaminithi angama-40  
ISIQEPHU C: Amaminithi angama-30
7. Ungazishintshi izinombolo zemibuzo. Zibhale njengoba zinjalo ephepheni lemibuzo.
8. Abahlolwayo mabaqaphelisise isipelingi kanye nokwakheka kwemisho.
9. Bhala ngobunono nangesandla esifundekayo.  
  
ISIQEPHU A: (Izindaba)
  - Ubude bendabaBhala amagama ayi-190 kuye kwangama-240.  
  
ISIQEPHU B: (Imibhalo emide edlulisa imiyalezo)
  - Ubude bombhaloBhala amagama angama-80 kuya kwayi-100.  
  
QAPHELA: Abahlolwayo bayayalwa ukuba babhale uhlobo lombhalo abawuphendulayo.  
  
ISIQEPHU C: (Imibhalo emifishane enemiyalezo)
  - Ubude bombhaloBhala amagama angama-60 kuya kwangama-80.  
  
QAPHELA: Abahlolwayo bayayalwa ukuba babhale uhlobo lombhalo abawuphendulayo.

**ISIQEPHU A: INDABA****UMBUZO 1**

Khetha isihloko ESISODWA kwezilandelayo ubhale ngaso indaba ibe ngamagama ayi-190 kuya kwangama-240.

**QAPHELA:** Bhala uhlaka lwendaba yakho lube sekhasini lwalo lodwa.

- 1.1 Izigebengu sezicabanga ukuthi lapha eNingizimu Afrika zingenza noma yini ezithanda ukuyenza. UMnyango Wezokuphepha uzama ukuqeda ubugebengu. Bhala indaba ngalesi sihloko: Imizamo UHulumeni Azama Ngayo Ukuqeda Ubugebengu Kuleli. [50]

**NOMA**

- 1.2 Kunenkolelo yokuthi izingane zabafana yizona ezimisa ikhaya, kodwa konke lokhu kubukeka sengathi sekushintshile ngoba izingane zamantombazane nazo azizibekile phansi. Bhala indaba ngalokhu bese uyinika isihloko. [50]

**NOMA**

- 1.3 Engingakwenza Uma Ngingawina Imali Eningi Kwi-Lotto. Bhala indaba ngalesi sihloko. [50]

**NOMA**

- 1.4 Usuku Engingasoze Ngalukhohlwa Empilweni Yami. Bhala indaba ezoveza konke okwenzeka ngalolo suku. [50]

**NOMA**

- 1.5 Bhala indaba ngalesi sihloko esilandelayo: Ubunzima Bokushonelwa Abazali Nisebancane. [50]

**NOMA**

- 1.6 Bukisisa lezi zithombe ezilandelayo bese ubhala indaba ngazo zombili. Nika indaba yakho isihloko esiyifanele.



[50]

**NOMA**


- 1.7 Kwabanye lolu phawu lwesiphambano lusho okukhulu kanti kwabanye alusho lutho. Bhala indaba uveze umbono wakho. Inike isihloko indaba yakho.



[50]

**NOMA**

- 1.8 Bukisisa lezi zithombe bese ubhala indaba ngokwakhiwa kwezinkundla uveze nokuthi izinkundla ezakhiwe ziyichithe kanjani imali nokuthi ziwusizo kangakanani emphakathini. Inike isihloko indaba yakho.



[50]

**AMAMAKI ESIQEPHU A: 50**

**ISIQEPHU B: IMIBHALO EMIDE EDLULISA IMIYALEZO****UMBUZO 2**

Khetha isihloko ESISODWA ubhale ngaso kube ngamagama angama-80 kuya kwayi-100.

- 2.1 Kuye kwabanjwa umhlangano esikoleni ofunda kuso mayelana nomcimbi wokuvalalisa abafundi bebanga le-12. Wena njengonobhala uceliwe ukuthi uthathe amaminithi alowo mhlango. Bhala-ke i-**ajenda** kanye **namaminithi** alo mhlango. Veza okukhulunywe ngakho kanye nezinqumo ezithathiwe. [30]

**NOMA**

- 2.2 Udadewenu owenza unyaka wokuqala enyuvesi akaphumelelanga kahle ezifundweni zakhe, usecabanga ukuyeka. Mbhalele **incwadi** umkhuthaze/umbonise ngokuthi usenokuphumelela onyakeni ozayo uma engazama futhi. [30]

**NOMA**

- 2.3 Umngane wakho uthole ingozi yemoto wase eshona. Umndeni wakhe wase ukucela ukuba ubhale umlando kamufi ozofundwa ngosuku lomngcwabo. Bhala-ke **lo mlando kamufi**. [30]

**NOMA**

- 2.4 Njengomgcini zimali wekomidi labafundi (RCL), kade uqoqa izimali zokusiza abafundi abaswele. Bhala **umbiko** enizowedlulisela/enizowethula kubafundi usho ukuthi lezo zimali zizosebenza kanjani. [30]

**AMAMAKI ESIQEPHU B: 30**

**ISIQEPHU C: IMIBHALO EMIFISHANE EDLULISA IMIYALEZO****UMBUZO 3**

Khetha isihloko ESISODWA ubhale ngaso kube ngamagama angama-60 kuya kwangama-80.

3.1 Bheka isithombe esingezansi bese ubhala **isikhangisi** ngaso.



[20]

**NOMA**

3.2 Umfowenu omdala uzohlanganisa/uzogubha iminyaka engama-21 ngenyanga ezayo. Bhala-ke **ikhadi** lesimemo umeme abangani bakhe.

[20]

**NOMA**

3.3 Wenzele abangane bakho isobho lemifino elimnandi futhi balijabulela. Omunye wabo ukucele iresiphi nokuthi lenziwa kanjani. Bhala-ke **imiyalelo** afanele ayilandele ekwenzeni lolu hlobo lwesobho.

[20]

**AMAMAKI ESIQEPHU C: 20**  
**AMAMAKI ESEWONKE: 100**